

Վ. Հակոբյան

ՀԵԹՈՒՄ ՊԱՏՄԻՋԻ ՆՈՐԱՀԱՅՏ ՀԻՇԱՏԱԿԱՐԱՆԸ ԵՎ ՆՐԱ
ՊԱՏՄԱԿԱՆ ՆՇԱՆԱԿՈՒԹՅՈՒՆԸ

Կալյուեկապնոս (Սելեկիա) և Լամոս գետերի սահմանում, ավելի ճիշտ՝ Թաթլը-սու (Քաղցր ջուր) գետի գետաբերանից մեկ ժամվա ճանապարհ դեպի հարավ-արևմուտք և Փերշեմպե գյուղի ավերակներից ժողովորապես ութ կիլոմետր հյուսիս-արևելք, ծովեզերքին, ընկած է Պատմական Կոռիկոս ամրոցը, որի դիմաց գտնվում է Ծովային Բերդ կղզին:

Կոռիկոսի իշխան Վահրամ մարաջախտը Հեթում Պատմիչի վկայությամբ 1220 թվին, Սիր-Ատանի անհաջողությունից հետո կաղմակերպում է երկրորդ դավադրությունը թափուր գահը գրավելու համար, սակայն Կոստանդին պայլի ջանքերով այս դավադրությունը ես ճնշվում է:

Դավադիրները գրկվում են սեփական կայքից և կյանքից¹ Հենց այս ժամանակ էլ Կոստանդին պայլը Վահրամից պրավում է Կոռիկոս բերդը: Հետագայում, երբ Կոստանդին պայլի որդին՝ Հեթումը Ջապելի հետ ամուսնանալով ստանձնում է թագավորական իշխանությունը, Կոստանդին պայլը, որպես

¹ «Ժամանակագրութիւնք երեք հարիւր և մէկ ամաց կարճ ի կարճոյ հաւաքեալ ի դանազան պատմութեանց հայ Ֆռանկ և ասորի շարագրեալ պարոն Հեթմոյ տեառն Գագիկոսոյ», էջ 83:

Սույն աշխատությունը գտնվում է նույն հեղինակի «Պատմութիւն թաթարաց...» աշխատության (Վենետիկ, 1842 թ.) հրատարակության կազմում: Միև. Ասորու «Ժամանակագրութեան» մեջ հանդիպում ենք վերոհիշյալ գեպքերի ավելի մանրամասն նկարագրության. նա գրում է.

«Թայսմ ժամանակի (Սիր-Ատանի սպանությունից հետո, Վ. Հ.) ոմանք յիշխանացն հայոց ապստամբեալք եղեն ընդ Ռորինայ բրինձին Անաիթու, կամելով զնա թագաւորեցուցանել. յորոց էր Ճոսլին մարաջախտ և Լեւոն Կապնուն տէրն և Կիոսակն և այլք, որք առեալ զբրինձն Ռորէն և մօին ի Տարսուս և ամրացան: Իսկ պարոն Կոստանդին և տէր Ծովհաննէս կաթուղիկոսն զնացին զօրօք և պաշարեցին զնոսա սուղ ինչ ժամանակս, և յաղթեցին նոցա և առին զքաղաքն, և բմբուռեցին զապստամբսն որ և ամենեքեան բանաարգեալք եղեալ վախճանեցան ի կապանս, և հանգարտեցաւ երկիրն» («Ժամանակագրութիւն», Երուսաղէմ, 1871 թ., էջ 515—516):

Մարաջախտների ցանկում («Սիսուան», էջ 485, Սմբատ Գունդստարլ «Տարեգիրք», Փարիզ, 1859 թ., էջ 137) Ճոսլին անունով մարաջախտ չի հիշվում: Հակառակ Միև. Ասորու վկայության այդ ժամանակաշրջաններում մեզ հայտնի է Ճոսլին անունով արքունի սենեկապետ—հանդերձապետ («Սիսուան», էջ 485). նկատի ունենալով վերոհիշյալ հանգամանքը կարելի է ենթադրել, որ հեղինակը հավանաբար շփոթել է պաշտոնները սենեկապետի փոխարեն դրելով մարաջախտ: Եթե ճիշտ է մեր այս ենթադրությունը, նշանակում է այլ իշխանների թվում դավադրությանը մասնակցելիքն առն Ճոսլին սենեկապետը:

² Կենտրոնաձիգ պետություն ստեղծելու նպատակով, Կ. Դանձակեցու վկայությամբ, Հեթում 1-ին թագավորի օրոք էլ թագավորահայր Կոստանդին պայլը շարունակում էր անհնազանդ իշխաններին հետապնդել «...ուչ հնազանդեալսն բառնայր ի միջոյ՝ զոմանս փախստական առնելով և գայլս մահուամբ» («Պատմութիւն», Թիֆլիս, 1909 թ., էջ 179):

թագավորահայր իր որդիներին մեջ բաժանում է արքունի պաշտոնները և բռնագրաված բերդերը: Ավագ որդին՝ Սմբատը նշանակվում է գունդ-ստաբլ, երկրորդ որդին՝ Բարսեղը դառնում է հոգևորական, Դրազարկի վանքի առաջնորդ, երրորդ որդին՝ Լևոնը նշանակվում է մարաջախտ, իսկ չորրորդ որդին՝ Օշինը ստանում է պայլության պաշտոնը,¹ իմիջիայլոց նաև Վահրամից գրաված Կոռիկոս բերդը:

Սմբատ Գունդստաբլը դժգոհում է հորից Կոռիկոս բերդը իր եղբորը՝ Օշինին հանձնելու առթիվ, լինելով ավագ որդին, նա իրեն է հարմար համարում տեր դառնալու այդ բերդին. ընտանեկան այս անախտորժույթյունը հարթելու համար նրանք օգնության են կանչում իրենց փեսա Հովհան Իպլենին՝ Յոպպեի կոմսին, որին վերադրում են Երուսաղեմի Ասիզների հավաքումը:²

Վեճի լուծման մանրամասնությունները գտնվում են «Երուսաղեմի Ասիզների» 145-րդ գլխում, որտեղ Հով. Իպլենը գրում է. «Ով որ տեր է դարձել մի կալվածքի կարող է այս երկրի օրենսգրքով կամ սովորությամբ այդ տալ իր ժառանգորդներից նրան, որին կցանկանա ... և ինձ այս ասացին սենյոր Սեթը, տեր Բելլիանը և տեր Նիկոլ Անտիոմը, որոնց զենքերին Աստված օգնական լինի ... Եվ ես նրանց հարցրի այն, ինչ որ Հայաստանի պայլը ինձ հաղորդել էր, խնդրելով, որ ես նրանց հարցնեմ, թե Երուսաղեմի թագավորության օրենքներով ու սովորությամբ կարող է իր գրաված կալվածքը տալ իր զավակներից նրան, որին ինքը կցանկանա ... Եվ խնդրեց, որ Կոռիկոսի մասին տեղեկացնեմ, որի տեր էր դարձել ինքը և որ նա ուղղում էր տալ իր որդի Օշինին և թե պարոն Սմբատը, Հայաստանի գունդստաբլը, որ իր անդրանիկ որդին էր, հակառակում էր ... ասելով թե իրավասու չէր: Եվ այդ մասին ինձ հաղորդեց, որ իրենց տեղեկացնեմ, թե ինչ կարող է անել: Եվ նրանք (վերոհիշյալ երեք անձնավորությունները. Վ. Հ.) ինձ ասացին, թե այո, այդպես է: ... Բացի այդ, քանի որ կալվածք գրավողը կարող է հանձնել կամ թողնել այն սենյորիս, որից բռնագրավել է և այդ անելուց հետո իր ժառանգորդները չեն կարող հետո կրկին ձեռք բերել կալվածքը այդ թագավորության օրենքներով կամ սովորությամբ, ուրեմն կարող է նույն օրենքներով կամ սովորությամբ այդ տալ իր ժառանգորդներից նրան, որին կցանկանա ... Իսկ ես այնպես ինչպես նրանք ասացին տեղեկացրի Հայաստանի հիշյալ պայլին և նա Կոռիկոսը տվեց Պարոն Օշինին ... »:

Այսպես հաստատվեց Կոռիկոսում Օշինը:

Հասածայս Սմբատ Գունդստաբլի վկայությամբ՝ Օշինը մահացել է 1263 թվին:³ Նրան հաջորդում է իր ավագ որդի Գրիգորը, որի մասին ոչինչ հայտնի չէ. միայն մեկ հիշատակարանից պարզվում է, որ նա տա-

¹ Կ. Գանձակեցին հավանաբար սրա մասին է ակնարկում, երբ գրում է. «Կարդեաց և զանդրանիկ որդին զՍմբատ՝ զօրավար եւ վմբւսն իւխան քաղաւորութեան» (ընդգծումը մերն է. Վ. Հ.). նույն տեղում, էջ 179.

² Հմմ. Ալիւան. «Բնուշիկը հայրենեաց հայոց», Վենետիկ, 1921 թ., էջ 469.

³ Ալիւան, «Սիսուան», էջ 334—335, նաև «Հեաղատութիւնք նախնեաց օսմկօրէնի վրայ», Ղևոնդ Բոլնիսեան, Վիեննա, 1879, էջ 188—189.

⁴ Սմբատ, «Տարեգիրք», էջ 124. Ալիշան «Սիսուան»-ում Օշինի մահվան տարեթիվը դնում է 1265 թ. (չէ 193, 336). իսկ 555-րդ էջում՝ 1264 թ.:

կավին 1280 թ. կենդանի էր¹ Գրիգորի մահից հետո Կոռիկոսը ժառանգում է նրա կրտսեր եղբայր Հեթումը, մեղ հայանի պատմիչը²

Եթե մի կողմը թողնենք Հեթում Պատմիչի պատվերով ընդօրինակված, մինչև հիմա մեղ հայտնի տոմարն ու բժշկարանը և ոմանց կողմից նրան վերադրված մի քանի աշխատությունները (որոնց իսկությունը կասկածանքով է վերաբերվում Ալիշանը³), ապա կարող ենք հիշել Հեթում Պատմիչից մեղ հասած միայն հետևյալ աշխատությունները

ա. «Ժամանակագրությունը երեք հարիւր և մէկ ամաց կարճ ի կարճոյ հաւաքեալ ի զանազան պատմութեանց՝ հայ ֆռանկ և ասորի շարագրեալ պարոն Հեթմոյ տեառն Կոռիկոսոյ», որի 6 տարրեր ընդօրինակությունները գտնվում են ՀՍՍՌ Մինիստրների Սովետին կից Մատենադարանում⁴ Սույն աշխատությունը հրատարակվել է Վենետիկում, 1842 թվին⁵

բ. «Պատմութիւն թաթարաց շարագրեալ ի Հեթմոյ Արամեան ի կարգէ Պաշտօնսդրատեանց», Այս աշխատության հայերեն բնագիրը մեզ չի հասել, Վենետիկի մխիթարյան Մ. Ավգերյանը այն լատիներենից թարգմանել է հայերեն և «Ժամանակագրութեան» հետ մեկ տեղ հրատարակել է 1842 թ. Վենետիկում. «Պատմութիւն թաթարաց» աշխատությունը հրատարակվել է եվրոպական զանազան լեզուներով մի քանի անգամ⁶

Հեթում Պատմիչի մատենագրական մի գործը՝ հիշատակարանը. որը մինչև հիմա անհայտ էր, ներկա հոգվածով ներկայացնում ենք գիտական հասարակությանը

Հիշատակարանը ծավալով մեծ չէ, կազմում է ընդամենը փոքրագիր 5 էջ. Այն գտնվում է ՀՍՍՌ Մինիստրների Սովետին կից Մատենադարանի № 5613 ժողովածուի 349 ա—351 ա էջերում

Ստորև բերում ենք № 5613 ձեռագրի նկարագիրը՝ բաղկացած է 376 թերթից, Մեծությունը՝ 16 × 12,5. Նյութը՝ թուղթ, Վիճակը՝ փաստված (կան կորած և մաշված թերթեր)։ Գրությունը՝ միասյուն, Գիր՝ բոլորագիր և նոտրգիր, Ժամանակ՝ 1608 թ.։ Գրչության վայր՝ Գ. Պոլիս։ Գրիչներ՝ Հակոբ (էջ 161բ), Բարունակ սարկավագ (էջ 194բ), Դանիել տիրացու (էջ 348 բ), Մուրադ սարկավագ (էջ 375 ա) և ուրիշները։ Ստացող՝ տեղ Ազարիա։

Հեթում Պատմիչի հիշատակարանը գրված է նոարգրով, ոչ թե վերևում հիշված գրիչների, այլ մեկ ուրիշի կողմից։ Հիշատակարանը խորագիր չունի, 349 ա էջի վերին մասից երկու տող բաց է թողնված, հավանաբար խորագիրը գրելու նկատառումով։

Այս հիշատակարանը չափազանց արժեքավոր մի վավերագիր է 13-րդ

¹ «Սխուման», էջ 336—337։

² Չամչեան, «Պատմութիւն Հայոց», հատոր Գ, էջ 379։

³ «Սխուման», էջ 339։

⁴ Տես № № 663, 1889, 2037, 3079, 5599, 7841 ձեռագրերում։ Ներկա հիշատակարանը Մատենադարանի ձեռագիր բիբլիոգրաֆիկ մասյանում սխալմամբ նշված է, որպես Հեթում Պատմիչի «Ժամանակագրության» համված։

⁵ Սույն աշխատությունը գտնվում է նաև «Recueil des Historiens des Croisades. Documents Armeniens», tome premier, Paris, 1869, p. 471—490։

⁶ Հ. Անադյան, «Հայոց անձնանունների բառարան», Երևան, 1946թ., հատոր Գ, էջ 74։

դարի երկրորդ կեսի Կիլիկիայի կյանքն ըմբռնելու համար, գրված է ընկճված, հուսահատական տրամադրությամբ, որն արդյունք է եգիպտական սուլթանների Կիլիկիա և շրջակա երկրները կատարած ավերիչ ասպատակությունների:

Ծիշտ է, ժամանակի անկումային տրամադրություններն արտահայտող մի քանի փաստաթղթեր մեզ հասել և արդեն հրատարակվել են,¹ սակայն Հեթում Պատմիչի հիշատակարանը, վերջիններիս համեմատությամբ ունի մի շարք առավելություններ: Այստեղ հանգիպում ենք մի քանի կոնկրետ վկայությունների, որոնք հնարավորություն են տալիս գոյություն ունեցող որոշ ենթադրություններ ուղղելու կամ հաստատելու:

Ինչպես հայտնի է, եգիպտական սուլթան Ֆնտխտարի և նրա հաջորդների արշավանքները դեպի Կիլիկիա և լատինական թագավորության քաղաքներ, հայ պատմիչների կողմից նույնպես հիշվում են: Այսպես, Անտիոքի գրավումը Ֆնտխտարի կողմից Ստ. Օրբելյանը,² Հեթում Պատմիչը,³ Սմբատը՝ դնում են 1268 թվին, առանց ամսաթիվը հիշելու: Ըստ Անտիոքից Ալիշանը «Սիսուանի» ժամանակագրության տախտակում Անտիոքի գրավման տարեթիվը նշում է 1268 թ. մայիսի 18-ին:⁴ Անտիոքի գրավման ճիշտ ամսաթիվը պահվել է Հեթում Պատմիչի առաջարկվող հիշատակարանում: Այդ մասին այնտեղ կարդում ենք. «Ձմեռն Անտիոք ղդարմանահրաշն ե ղգեղեցկաշէնն, որ ընդ տէրութեամբ Իրնձին, գոր կործանեալ ի հիմանց աւերեաց Ֆնտուխտար սուլտանն, որ անուանէր Մելիք Տահր ի թուին Չժէ (=1268) յաւուր շաբաթու ի ծաղկազարդին»:

1268 թ. գատիկը ընկնում է ապրիլի 8-ին,⁵ իսկ ծաղկազարդի շաբաթ

¹ Մեզ հայտնի են՝ «Կոստանդին Բ. կաթողիկոսի պահարան նշխարաց սրբոց ի վանս Սեբեռայ» (Ալիբեան, «Հայապատում», էջ 498—499): «Սուլտանն Եգիպտոսի գրաւէ զկալուածս փրանկաց յառորիս» (Հեթումի), «Հայապատում», 499—500: «Առուժն Հոռմկլայի յեգիպտացւոց, հաշտութիւն ընդ Հեթմոյ Բ. և նույն տեղում, էջ 500—502. «Յիշատակ Հեթմոյ Բ արքայի», նույն տեղում էջ 517—519: Նույնը «Արարատում», 1869 թ., էջ 39—41: «Գիրք թղթոցի Թովմաս գրչի 1298 թ. ընդօրինակության հիշատակարանը» («Գիրք թղթոց», Թիֆլիս, 1901 թ., էջ 537—538): Լ. Սյուրմեյան «Յուդեայի հայերէն ձեռագրաց Հալեպի...», Երուսաղեմ, 1935 թ., հատ. Ա., էջ 347: Գ. Սրվանձտյան, «Թորոս աղբար՝ մասն Բ. Գ. Պոլիս, 1885 թ., էջ 436: Պետ. Ձեռագրատան № 482 ժողովածուի 53ր. էջում՝ Թորոս գրչի հիշատակարանը: Վերջինս հրատարակված չէ:

² «Պատմութիւն նահանգին Սիսական արարեալ Սանփաննոսի Օրբէլեան արքեպիսկոպոսի Սիւնեաց», Փարիզ, 1859 թ., հատոր Բ., էջ 188:

³ «Պատմութիւն թաթարաց», Վենետիկ, 1842 թ., էջ 73: Նույն տեղում, «Ժամանակագրութիւնք», էջ 84:

⁴ «Տարեգիրք...» էջ 125: Սամվել Անեցին վերահիշյալ դեպքի համար նշում է 1272 թիվը—Ժամանակագրություն, Վաղպաա, 1893 թ., էջ 151:

⁵ «Սիսուան», էջ 555: Չամչյանը և Օրմանյանը այս դեպքը նշում են 1268 թվին («Հայոց պատմութիւն» հատոր Գ, էջ 265), «Ազգապատում», էջ 1663:

⁶ Հմմ. Շիրակացու «ՇԼԲ» բոլորակի աղյուսակի հետ (պրոֆ. դո. Լ. Աբրահամյան, «Շիրակացու մասենագրությունը», Երևան, 1944 թ. էջ 270): Ֆրանսիացի հայտնի առմարագետ է. Դյուլեբրոյի հաշվումներով 1268 թ. գատիկը ընկնում է ապրիլի 7-ին («Recherches sur la chronologie Armenienne», Par. m. Ed. Dulaupier, tome 1, p. 417. Paris) Այս հաշվով ծաղկազարդի շաբաթ օրը կընկնի մարտի 30-ին: Տոմարական հաշիվներում մեզ օգնել է Երևանի Աստղադիտարանի գիտ. աշխատող Վաթյան Լեոնը, որի համար հայանում ենք մեր շնորհակալությունը: Տոմարական մեր հաշվումների արդյունքը ստուգեցինք մաթեմատիկոս և աստղաբաշխ Դաուսի դտակի օրը որոշելու առաջարկած բանաձևով:

օրը կլինի մարտի 31-ը, այսպիսով Անտիոքը գրավել են 1268 թ. մարտի 31-ին, շարաթ օրը:

Եգիպտոսի սուլթան Մելիք Աշրաֆի կողմից Աքքայի գրավումն ըստ Հեթում Պատմիչի,¹ Սմբատ Գունդստարլի² ժամանակակից հիշատակարանի³ և Ստ. Օրբելյանի⁴ կատարվել է 1291 թ., իսկ ըստ Սամ. Անեցու շարունակողի՝ 1289 թ.⁵ Ուսումնասիրողներից միայն Ալիշանն է նշում Աքքայի գրավման ամսաթիվը՝ 1291 թ. մայիս 15:⁶ Ալիշանի աղբյուրը մեղ անհայտ է: Իրականում Մելիք Աշրաֆը, ինչպես մատնացույց է անում Հեթում Պատմիչն իր հիշատակարանում, Աքքան գրավել է 1291 թ. մայիսի 18-ին:

Ահա համապատասխան վկայությունը. «Եւ զփառաւորն Պաղոմիդէ, որ նա ինքն Աքայ, որ էր տուն իշխանութեան Դամփուլուն և Ոսպէթալին և այլոց անուանաւոր իշխանաց, շինեալ րարձագոյն պրճօք և հաստահիմն պարսպօք, ե գեղեցկայարմար տաճարօք, զոր կործանեալ տապալեաց անօրէն որդին Ալֆէ Մելիք Աշրաֆն, ի թուին 28. ի մայիս ԺԸ»:⁷

Կարծում ենք. պարզ է ու անառարկելի, որովհետև գործ ունենք դեպքերին ժամանակակից անձնավորության վկայության հետ: Սակայն ավելի հետաքրքիր են Հոռմկլայի գրավման տվյալները հիշատակարանում: Ինչպես հայտնի է Մելիք Աշրաֆի կողմից Հոռմկլայի գրավման մասին մեր պատմիչները ոչ միայն ամսաթիվ չեն հիշատակում, այլև ոմանք տարբեր տարեթվեր են հաղորդում:

Այսպես Ստ. Օրբելյանի, Հեթում Պատմիչի,⁸ Սմբատ Գունդստարլի,¹⁰ ժամանակակից հիշատակարանի հեղինակի¹¹ վկայության համաձայն՝ Աշրաֆը Հոռմկլան գրավել է 1292 թվին: Սամվել Անեցու շարունակողներից մեկը հիշյալ դեպքը դնում է 1295 թվին,¹² իսկ մյուսը՝ 1293

վերջինիս հստակեցրով 1268 թ. դատիկը ընկնում է նույնպես ապրիլի 8-ին (տես «Հանդէս Ամսօրեայ» 1910 թ., էջ 149—151):

¹ «Պատմութիւն թաթարաց», էջ 74: Նույն տեղում, «Ժամանակագրութիւնք», էջ 85:

² «Տարեգիրք...», էջ 126: Սմբատի վկայությունը բավական ընդհանուր է. «Ի թուին 740 Աշրաֆն ջնջեաց գորիստոնեայքն ի Սեհլէն եւ էտո զվեց քաղաք»: Կարելի է համարձակ առել, որ Սմբատը վեց քաղաքների մեջ անշուշտ նկատի է ունեցել նաև Աքքան:

³ «Հայապատում», էջ 500:

⁴ «Պատմութիւն նահանգին Սիսական...», հատոր Բ, էջ 189:

⁵ Սմ. Անեցի, «Ժամանակագրութիւն», էջ 163:

⁶ «Սիսական», էջ 556: «Պատմութիւն նահանգին Սիսական»-ի հրատարակիչ Կ. Շահ-նազարյանը հրատարակության 150-րդ ծանոթագրության մեջ Աքքայի գրավման մասին գրում է. «Իսկ քաղաքն, զորմէ քանն է, ի հնունդ կոչէր Պաղէմայիս, ի միջին զարու Աքք, Աքեայ կամ Օէնժան գ' Աքք, ոչ հեռի ի Կարմեղ լեռնէ... Խալիլ-Աշրաֆ յետ երկամսեայ պաշարման առ Պաղէմայիս ի 16 յունիսի 1291ամի և ի սուր անխնայ կոտորեաց զապաստանեալսն ի նմա», էջ 357: Մեզ հայտնի չեն հրատարակչի ոչ աղբյուրը, ոչ էլ հստակեցրը, սակայն, ինչպես քիչ հետո ցույց կտանք, Մելիք-Աշրաֆը Աքքան գրավել է 1291 թվի ոչ թե հունիսի 16-ին, այլ մայիսի 18-ին:

⁷ Պետ. Ձեռագրատուն № 3425 ժողովածուի ժամանակագրության հեղինակի համաձայն Աքքան գրավել են 1290 թ. մայիսի 18-ին (էջ 7բ): Սակայն այստեղ էլ սխալ է նշված տարեթիվը:

⁸ «Պատմութիւն նահանգին Սիսական...», հատոր Բ, էջ 192:

⁹ «Ժամանակագրութիւնք», էջ 85:

¹⁰ «Տարեգիրք...», էջ 126:

¹¹ «Հայապատում», էջ 501:

¹² Սամվել Անեցի... 153: Հրատարակչի ձեռքի տակ գտնվող չորրորդ ձեռագիրը հիշյալ դեպքը դնում է 1292 թ. Նույն տեղում, էջ 153. տես տողատակի տարբերություն:

թվին¹ Ուսումնասիրողներից Չափյանը² 1294 թվին, իսկ Ալիշանը՝ 1292 թ. հուլիսի 28-ին³։ Վերջինիս աղբյուրը նույնպես անհայտ է մեղ։ Առաջին պատմիչները չնայած ճիշտ են նշում Հոռմկլան գրավելու տարեթիվը՝ 1292 թ., սակայն չեն նշում ամսաթիվը, իսկ Ալիշանի նշած ամսաթիվը իրականից հաշված է մեկ ամիս ուշ։

Հեթում Պատմիչի հիշատակարանը մեզ տալիս է այդ դեպքի հաստատ և անվիճելի դատան։ Այս առթիվ հիշատակարանում կարդում ենք. «նմանապէս ե սա (Մելիք Աշրաֆը. Վ. Հ.) այնքան ներողութեամբն Աստուծոյ և յաճախութեամբ մերոցն մեղաց զօրացեալ, մինչ զի առ զաթոռ հայրապետութեանն հայոց՝ դժլայն Հոռմայական, ...ի թուին ՉԽԱ. յուսիսի ԻԸ»։

Այնուհետև հիշատակարանում Հեթում Պատմիչը նկարագրում է Հոռմկլայի համար մղվող կռիվների համառ բնույթը, որով հաստատվում է Ստ. Օրբելյանի այդ մասին տված վկայութունը։

Ըստ հիշատակարանի հաղորդած տվյալների այդ կռիվներում մինչև իսկ օգտագործել են ժամանակի ուղիղական տեխնիկայի նվաճումները՝ «նորագործ մեքենայից»։ Հոռմկլայի համար մղված կռիվներն ըստ Սմբատ Գունդստաբլի տեղի են «շատ օրեր»⁴, իսկ Օրբելյանը հիշում է «ամսօրեայ ժամանակաւ»⁵, որի ընթացքում, ինչպես վկայում է Հեթում Պատմիչը պաշարողները Հոռմկլան գրավելու համար գիժել են մի շարք միջոցառումների «...և անհուն զօրօք և բազմաձեռն պատերազմողօք և նորագործ մեքենայից հնարաւորութեամբ պատեալ պաշարեաց սղարեալ բաբանօք ի վերուստ և քարափոր ծակամտօք նաղմելով նեղեալ ի ներքուստ...»։

Այս կռիվների ընթացքում պաշարվածները այնքան համառ և հերոսաբար են կռվել, որ Մելիք Աշրաֆը միտք է ունեցել նույնիսկ թողնել Հոռմկլայի պաշարումը⁷։ Ի վերջո եզրպատական զորքերին հաջողվում է գրավել նախ քաղաքը, «ապա զներքին բերդն, և ապա զբարձրագոյն կլայն յորում կայր շինեալ գեղապաճոյճ եկեղեցին...»⁸։ Հայերի համառ դիմադրութունը եզրպատական զորքերի մեջ առաջ է բերում կույր ատելութուն։ Այդ պատճառով Հոռմկլան գրավելուց հետո բնակիչների և այնուհետ պատըսպարվածների մի մասին անխնա սրի են քաշում, մյուս մասին գերեվարում, իսկ կաթողիկոսական հարստութունները ենթարկում թալանի։ Այս դեպքերի առթիվ Հեթում Պատմիչի հիշատակարանում կարդում ենք.

«...Յորում (Հոռմկլայում. Վ. Հ.) էր և աջ մերոյ սուրբ Լուսաւորչին, և առաքելական և մարտիրոսական նշխարք, և սրբութիւնք անթիւք և կտակարանք աստուածային դրոց գանձեալ բազմութեամբ, ...գերեաց զտէրըն և գհայրն մեր հոգևոր, զկաթողիկոսն ամենայն հայոց զտէր Ստեփաննոս, եպիսկոպոսօք և վարդապետօք, քահանայիւք և անհամար քրիստոնէ-

¹ Նույն տեղում, էջ 163.

² «Պատմութիւն Հայոց», հատոր Գ, էջ 287—288.

³ «Սիսուան», էջ 556։ Ալիշանից օգտվել է Օրմանյանը—«Ազգապատում», էջ 1732.

⁴ «Տարեգիրք...», էջ 126.

⁵ «Պատմութիւն նահանգին Սիսական...» հատոր Բ, էջ 190.

⁶ Հմմ. Ժամանակակից հիշատակագիր «...և պատեալ պաշարեաց զնա (Հոռմկլան. Վ. Հ.) բազմաձեռն պատերազմօք, բարձրաձիգ (բար) անօք ծանր քարանց, քարահատ արուեստականօք, և բազմափոր դարանամտօք...», «Հայապատում», էջ 501.

⁷ «Պատմութիւն նահանգին Սիսական...», հատոր Բ, էջ 191.

⁸ Նույն տեղում, էջ 190.

իւք և սպառեալ զազգն քրիստոնէիցն¹ Հետաքրքիր է նաև հիշատակարանի այն վկայութիւնն, ըստ որի «... Բնակեցոյց ի հայրսպետանոցին և ի գեղեցկապաճոյճ աաճարին՝ ղուրացողսն Դրիստոսի² Վերոհիշյալ խոսքերը հավանաբար վերաբերում են այն հայերին, որոնք կոտորածից փրկվելու համար ընդունել էին մահմեդականութիւնը:

Արտաքին թշնամու հաճախակի կրկնվող արշավանքներն ու ասպատակութիւնները, որը կիլիկիայում ստեղծել էր անապահով վիճակ,³ հատկապես 1289 թ. Տրապուզի գրավումից ի վեր, ստիպում է Հեթում Պատմիչին թողնել Կոռիկոս ամրոցը և պատսպարվել անմատչելի Ծովային Բերդ կղզում, որը գտնվում էր Կոռիկոսի գիմացի:

Մեր կարծիքով Հեթում Պատմիչը Ծովային Բերդ կղզի տեղափոխվել է 1289 թ. Տրապուզի գրավումից անմիջապես հետո, այդ երևում է նրանից, որ եգիպտական սուլթանների 1289 թվի և հաջորդ տարիների արշավանքները թվելուց հետո, նա հիշատակարանում նորից անդրադառնում է 1289 թվի Տրապուզի գրավմանը և ապա ավելացնում.

«Եւ վասն այսորիկ յաճախեաց ահ և երկեղ ի վերայ ամենայն քաղաքաց ծովեզերեայց. վասն որոյ և ես Հեթում մտախոհ եղեալ գտանել տեղի ամրոցի և ապաստանի գգուշանալ յանօրինացն սրոյ մերոցն քրիստոնէիցն:

Հեթումն ապաստանելով կղզում, ինչպես երևում է հիշատակարանից, զբաղվել է շինարարական աշխատանքներով, որոնց նպատակն էր նախ ամրացնել կղզու պաշտպանունակութիւնը:

Շինարարական աշխատանքների վերաբերյալ հիշատակարանում կարդում ենք. «...և յարմարեալ շինեցի զսա բազում ծախիւք և մեծ փափագանօք և վասն բնակչացն մխիթարութեան շինեցի տաճար Աստուծոյ և տուն աղօթից գսուրբ եկեղեցիս որ ի մէջ գեղեցկաշէն ամրոցի բերդիս...»:

Դժբախտարար Հեթում Պատմիչը կոնկրետ չի նշում թե ինչ կառուցումներ է կատարել, սակայն կարծում ենք ճիշտ վարված կլինենք, եթե ընդգծված բառերը մեկնաբանենք որպես ռազմական բնույթի կառուցումներ, այլ կերպ էլ չէր կարող լինել, որովհետև հաճախակի կրկնվող արշավանքներից սարսափած մարդիկ ապաստանելով կղզում, նրանք պաշտպանության հույսը չէին կարող կապել միայն կղզու բնական ամրության հետ:

Շինարարական աշխատանքների մասին հիշատակարանի վերոհիշյալ վկայութիւնը հնարավորութիւն է տալիս մեզ որոշակիորեն պարզել Ալիշանի անորոշ մի ենթադրութիւնը: Ղ. Ալիշանը խոսելով Ծովային Բերդ

¹ Հմմ. Ժամանակակից հիշատակագրի հետ. «...գերեաց և զսուրբ հայրապետն մեր ղկաթողիկոսն Տէր Ստեփաննոս, եպիսկոպոսօք և քահանայիւք և անթիւ քրիստոնէիւք... զի քահանայք և արք փառաւորք անկան ի սուր, և կանայք պատուականաց անարգեցան, աստուածային կտակարանքն յանօրինաց ձեռաց յափշտակեցան, առաքելական և մարտիրոսական նշխարք սրբոց խորտակեցան զարդն ոսկւոյ և մարգարտաց և ականց պատուականաց՝ որ ի վերայ սրբութեանց՝ կողոպտեցաւ» («Հայաստանում», էջ 301):

«Պատմութիւն նահանգին Սիսական...», հատոր Բ. էջ 190—191. «Եւ առեալ յաւարի զրերդն՝ կապտեցին, կողոպտեցին զամենայն սպաս եկեղեցւոյն և զանկշռելի զանձն աստուածային և զամենայն սաացուածսն, բայց ղեկեղեցին ոչ քակեցին»:

² Այս առթիվ առաջարկվող հիշատակարանում կարդում ենք. «...և ղեզերային զաւառսն մեր բոլոր սահմանօք ի ձեռն սրիկայից արանց արաբացւոց և թուրքաց գերէր միշա և աւերէր և անքնակ առնէր»:

կղզում կատարված կառուցումների մասին,¹ հենվելով շենքերից մեկի մնացորդներում գտնվող առաջին արձանագրության մեջ պահված «Լեոն» անվան վրա, կարծում է, որ այդ կառուցումները կատարել է Լեոնը: Չնայած նա չի նշում թե խոսքը որ Լեոնի մասին է, սակայն կարծում ենք ճիշտ հասկացած կլինենք, եթե այն վերագրենք Լեոն Ա. թագավորին (1198—1219 թ.):

Երկրորդ արձանագրությունը, որը մեզ հասել է բավական աղճատումներով² հետևյալ պատկերն ունի.

«Ի թուակա(նիս) Հայոց Չ ամին՝ եւ եւթն....թիուն ի բարեպա(շտ) թագաւորին Հեթմ թաչգէ ամրոց Սլթանին. շինել մեծ իշխան Հեթմոյ Ռ.»³

Այս արձանագրության մասին Ալիշանը որոշակի բան չգրելով ավելացնում է «... յորում (արձանագրության մեջ. Վ. Հ.) անուն թագաւորին Հեթմոյ յայտնի և թուական Չ ամին, թերևս ի նոյն յաւելեալ եւթն, ըստ աղաւաղ ընդօրինակութեան Լանկլուայ»⁴ (Ընդգծումը հեղինակինն է):

Ինչպես երևում է արձանագրության մեջ գտնվող տարեթվի վերջին թվականի ուղղումից՝ $700 + 7 + (551) = 1258$ թ., Լանկլուան և Ալիշանը արձանագրությունը հետևապես և այդ կառուցումները վերագրում են Հեթում Առաջինի թագաւորության շրջանին (1226—1270 թ. թ.): Նրանք իրենց այդ կարծիքը հիմնավորել են Ուլիամ Ռուբրյուկի մի վկայությամբ: Ինչպես հայտնի է 1255 թ. Ու. Ռուբրյուկը եղել է Կիլիկիայում և այցելել Կոստանդին պայլին, այն ժամանակ, երբ վերջինս իր որդի՝ Հեթում Առաջինի Մոնղոլիայից բարեհաջող վերադարձի առթիվ կազմակերպել էր խրճուղայք: Այդ առթիվ Ռուբրյուկը գրում է. «Եւ գտա նրան (Կոստանդին պայլին. Վ.Հ.) Ասիսում (Սիս) իր բոլոր որդիների հետ միասին, բացի մեկից՝ կոչված Բարունուսին (պարոն Օշին), որ կառուցել էր տալիս մի դղյակ...»⁵:

Ալիշանը հենվելով վերոհիշյալ վկայության վրա Օշինի կողմից Կոստանդնուպոլսում կատարված շինարարական աշխատանքների ավարտումը դնում է 1258 թվին⁶:

Մենք չենք կասկածում Ռուբրյուկի վկայության վրա, սակայն ցանկանում ենք նշել, որ վերևում մեջ բերված երկրորդ արձանագրությունը և դրա հետ աղերսվող կառուցումները, ամենայն հավանականությամբ կատարվել են ոչ թե Հեթում Առաջին թագավորի ժամանակ Օշինի կողմից, այլ հետագայում՝ Հեթում Երկրորդի ժամանակ Հեթում Պատմիչի կողմից:

Այս եզրակացությունը հաստատվում է ուշապրավ հետևյալ փաստերով:

¹ «Սիսում», էջ 336:

² Վերոհիշյալ արձանագրությունը բավական աղավաղումներով ընդօրինակել է Վ. Լանկլուան: Ալիշանը չհավանելով վերջինիս ընդօրինակությանը, աարբեր առիթներով գրում է. «...այլ ըստ ոչ բաղդի՝ ցարդ չեհաս առ մեզ գոյշ օրինակ, գի ընդօրինակութեան Լանկլուայ յամի 1852, չիք և ոչ մի ի թուականայն անսղալ: Կամ՝ «ըստ աղաւաղ ընդօրինակութեան Լանկլուայ...» կամ՝ «իսկ Լանկլուայի խառն ի խուռն և բաղմասխալ գաղափարածն այս է...», «Սիսում», էջ 336:

³ Նույն տեղում, էջ 336, ծանոթ. 2:

⁴ «Սիսում», էջ 336:

⁵ «Ուղեգրություններ» հատոր, Ա., ԺԴ—ԺԶ, Երևան, 1932 թ., էջ 26:

⁶ «Սիսում», էջ 334: Ահա թե ինչու արձանագրության տարեթվի վերջին թվանշանը, որը մեզ չի հասել, Լանկլուան և Ալիշանը լրացնում են 7-ով:

նախ, ինչպես վերևում ցույց տվինք, Ալիշանը արձանագրության վ. Լանկլուայի ընդօրինակությանը կասկածանքով է մոտենում, հետևապես չի կարելի պնդել, թե արձանագրության տարեթվի փաստված մասը պիտի անպատճառ լրացնել 7-ով (որի դեպքում ստանում ենք 1258 թվականը)։

Երկրորդ, Ռուբրյուկի այն վկայությունը թե՛ Օշինը կոստանդին պայլի մոտ չէր և «կառուցել է տալիս մի զղյակ», մեզ իրավունք չի տալիս եզրակացնելու, թե նա չէր կարող կառուցելիս լինել մի այլ զղյակ, և խոսքը անպատճառ պետք է վերաբերի Ծովային Բերդ կղզուն, ինչպես կարծում են Լանկլուան և Ալիշանը։ Եկատի ունենալով Ու. Ռուբրյուկի վկայության այն մասը, ըստ որի նա սկզբում լինում է կոռիկոսում (մայիսի 5—17)¹ և ապա գնում Սիս, թերևս հնարավոր է ենթադրել, որ Օշինը կառուցողական աշխատանքներով էր զբաղված կոռիկոսի ծովեզրյա ամրոցում և ոչ թե Ծովային Բերդ կղզում։

Երրորդ՝ մեզ հուզող հարցի պարզաբանման համար բանալի կարող է հանդիսանալ քննության ենթակա արձանագրության վերջին տողը, որտեղ կարդում ենք. «... շինել մեծ իշխան Հեթումյ Ռ...»։ Այստեղ ակամա հարց է ծագում, եթե կառուցումները կատարել է Օշինը (Հեթում Պատմիչի հայրը) Հեթում Ա-ի ժամանակ և թողել համապատասխան արձանագրություն (ինչպես կարծում են Լանկլուան և Ալիշանը), ապա ի՞նչ գործ ունի այնտեղ «մեծ իշխան Հեթումը»։

Ձեռք կասկածում, որ արձանագրության մեջ հիշված Հեթումը մեր հիշատակարանի ու «Պատմության» հեղինակն է, որը 1287—1304 թվերին եղել է պայլ,² ուստի և արձանագրության մեջ կարող էր կոչվել «մեծ իշխան»։ Արդ՝ նկատի ունենալով արձանագրության «... շինել մեծ իշխան Հեթումյ» հատվածը մի կողմից և հիշատակարանի վկայությունը Ծովային Բերդ կղզում Հեթում Պատմիչի կառուցումների մասին մյուս կողմից, երկրորդ արձանագրությունը և սրա հետ աղերսվող կառուցումները վերագրում ենք Հեթում Պատմիչին։ Այսպիսով Հեթում Պատմիչի հիշատակարանը հնարավորություն է տալիս վերոհիշյալ արձանագրությունը և Ռուբրյուկի վկայությունը նոր ձևով մեկնաբանել։

Հիշատակարանի մի վկայությունից պարզվում է, որ Հեթում Պատմիչը Ծովային Բերդ կղզու նորակառույց եկեղեցու համար 1293 թ. ընդօրինակել է տվել մի Ավետարան։ Այս տվյալը ցույց է տալիս, որ 1293 թ. արդեն կղզում ավարտված են շինարարական աշխատանքները։ Հետևապես արձանագրության տարեթվի փաստված մասը պետք է լրացնել ոչ թե 7-ով, ինչպես առաջարկում են Լանկլուան և Ալիշանը, այլ 10 (40) կամ 11 (41) թվանշանով։

Սույն հիշատակարանը ուշագրավ է մեզ համար նաև մի այլ կողմով։ Հեթումի իր յուրայիններով ապաստանում է Ծովային Բերդ անմատույց կղզում և ապահովում իր մերձավորների և ֆեոդոլական դասակարգի այլ ներկայացուցիչների կյանքը եգիպտացիների սրից, իսկ ժողովուրդը թող-

¹ «Ուղեգրություններ», հատոր Ա, էջ 25.

² Հեթում Պատմիչը 1294—1305 թվերին վարել է նաև գուհյասարի պաշտոնը՝ («Տարեգրք...» էջ 137, Ալիբան, «Սիսուն» էջ 484)։ Այս պաշտոնը վերոհիշյալ հարցի քննության կապակցությամբ ապացույցի դեր չի կարող ունենալ։

ներվում է բախտի քմահաճույթին անապաստան ու անօգնական: Այս փաստը ցույց է տալիս ֆեոդալական հասարակության քաղաքացու հայրենասիրության պատկերացման նեղ շրջանակները:

Հիշատակարանում պահպանվել են նաև Հեթում Պատմիչի բոլոր զավակների և կնոջ անունները: Հիշատակարանի գրության թվականի որոշման համար կարևոր է այն հանգամանքը, որ մինչդեռ այնտեղ հիշատակված է Ստեփանոս կաթողիկոսի և այլոց գերեզմարությունը, բայց ոչ մի խոսք չենք գտնում նրա մահվան մասին: Ստեփանոսը մահացել է գերեզմարությունից (1292 թ.) մեկ տարի հետո՝ 1293 թվին,² հետևապես սույն հիշատակարանը գրված պետք է լինի 1293 թվին:

* * *

- 349 ա Արդ յայսմ ժամանակի ցաւէր աշխարհ իբրև գծեր և երկնէր որպէս զմայր և ծըփէր որպէս զծով, և առաւել ևս ազգք քրիստոնէից և եկեղեցի Կրիստոսի ամբոխեալ խռովէր իբրև ի հողմոց շնչմանէ յանօրինացն յարուցմանէ. որով և երկիրս հայոց որ ի սահանդիս
- 5 Կհիկնու. որում տիրէին քրիստոսապսակք թագաւորք սերեալք ի Յընօրինանց զարմէ, և իշխանք ղաւառատէրք ի նոցունց ազգակցութենէ. սաստիկ և անհնարին նեղութեամբ վշտանայր յեղիպտական ազգէն, ի գազանամիտ և գոռոզաբարու սուլտանացն, որք տիրէին անդ յաւուրս մերոյ ժամանակաց, որք և մաշեալ սպառեցին և աւերեալ ջնջեցին զծովեգերեա(յ) աշխարհն յորում բնակեալ էին արիական ազգն Ֆռանգաց: Զմեծն Անտիոք զգարմանահրաշն և զգեղեցկաշէնն, որ ընդ տէրութեամբ բրնձին, ղոր կործանեալ ի հիմանց, աւերեաց անտուխտար սուլտանն, որ անուանէր Մելիք Տահր, ի թուին ԶԺէ, յաւուր յաբաթու ի ծաղկազարդին: Եւ զԴ. պարսպեանն Տրա-
- 10 349ր¹⁵ պօլիս, // զոր առ Ալֆի սուլտանն Մելիք Մնսուր, ի թուին ԶԼԸ,³ եւ զփառաւորն Պտղոմիդէ, որ նա ինքն Աքայ, որ էր տուն իշխանութեան Բամփուլուն և Ոսպէթալին և այլոց անուանաւոր իշխանաց, շինեալ բարձրագոյն պրճօք և հաստահիմն պարսպօք և գեղեցկայարմար տաճարօք, ղոր կործանեալ տապալեաց անօրէն որդին Ալֆէ
- 20 Մելիք Աշրաֆն, ի թուին ԶԽ. ի մայիս ԺԸ. Որ և սաստկագոյն քան զայլ գոռոզն գոռայր, իբրև զամպ կարկտածին ի վերայ մերոյ աշ-

1 Վ. Բարունը իր ոտանավոր պատմության մեջ վերոհիշյալ երևույթը հիշում է տարբեր առիթներով, օրինակ, խոսելով Ֆնտխտարի 1274 թ. կիլիկիա արշավելու մասին, գրում է.

«Եւ բովանդակ՝ ի սուրճմաշեալ
Զոր ի դաշտոց՝ վայրս գտեալ,
Բայց թե յամրոցս՝ ոք բնակեալ,
Եւ կամ ի դղեակ՝ ուրեք գաղթեալ,
Նոքա միայն՝ եղևն մնացեալ»

էջ 232 (տես նաև 224-րդ էջում): Նման վկայություն ունի նաև Մաղաթիա Արեղան («Մաղաթիա Արեղայի Պատմութիւն վասն աղգին նետողաց», Ս. Պետերբուրգ, 1670 թ., էջ 39—40):

² «Պատմութիւն նահանգին Սիսական...», հատոր Բ, էջ 101, ՍԱ. Աճեյի, Ժամանակագրություն, էջ 153:

³ Պետական Զեռագրատան № 3425 ժողովածուի մեջ գտնվող ժամանակագրության հեղինակը Տրապոլսի գրավումը դնում է ԶԼԸ (1288 թ.) ապրիլի 15-ին, էջ 7ր:

- խարհիս. և ծանրացոյց առաւել սաստկութեամբ զպահանջումն հարկին: Եւ զեզերսյին գաւառսն մեր բոլոր սահմանօք ի ձեռն սրիկայից արանց արաբացւոց և թուրքաց գերէր միշտ և աւերէր և անբնակ առնէր: Եւ ըստ բարեկացւոց բռնաւորին, ձեացեալ երկնահաս ծառոյն, որ այնքան բարձրացեալ նա՝ մինչ յերկնամասն նրուսագէմ քաղաքն Աստուծոյ հասեալ, առ զնա և զերեաց զսպասս սրբութեան տաճարին Աստուծոյ: Եւ մանապէս և սա այնքան ներողութեամբն 350ա Աստուծոյ և յաճախութեամբ մերոցն մեղաց զօրացեալ, // մինչ զի 30 առ դաթոռն հայրապետութեանն հայոց՝ զկլայն Հոռմայական, յորում էր և աջ մերոյ սուրբ Լուսաւորչին, և առաքելական և մարտիրոսական նշխարք, և սրբութիւնք անթիւք և կտակարանք աստուածային զրոց դանձեալ բազմութեամբ, զոր և անհուն զօրօք և բազմաձեռն պատերազմողօք, և նորադործ մեքենայից հնարաւորութեամբ պատեալ պաշարեաց, սղարեալ բարանօք ի վերուստ և քարափոր ծակամօք՝ նաղմելով նեղեալ ի ներքուստ, առ զաստուածաշէնն զայն և զհրաշալի զղեակն վայելչագեղ, ի թուին ԶԽԱ. յունիս ԻԸ: Կերեաց զտէրն և զհայրն մեր հոգևոր, զկաթուղիկոսն ամենայն հայոց զտէր Ստեփաննոս, եպիսկոպոսօք և վարդապետօք, քահանայիւք և անհամար քրիստոնէիւք և սպառեալ զաղզն քրիստոնէից: Եւ բնակեցոյց ի հայրապետանոցին և ի գեղեցկապաճոյճ տաճարին զուրացողսն Կրիստոսի: Եւ եղև այն սուգ մեծ ամենայն եկեղեցեաց, մանաւանդ ազգին հայոց, որք կրեցին զկսկիծն ողորմելի և զաղէտն աշխարանաց:
- 350բ45 Արդ՝ զի յայսմ ժամանակի այսպիսի նեղութիւնք ժամանեալ հասեալ ունէր գեկեղեցիս Քրիստոսի և զի որպէս ասացաք յառաջ քան զայս, ԶԼԸ. թուին եղև աւերումն Տրապոլսոյ յԱլֆէ: Եւ վասն յսորիկ յաճախեաց ահ և երկեղ ի վերայ ամենայն քաղաքաց ծովեզերեայց. վասն որոյ և ես Հեթում մտախոհ եղեալ գտանել տեղի ամրոցի և ապաստանի, զգուշանալ յանօրինացն սրոյ մերոցն քրիստոնէից և տենչացեալ ցանկացա գեղեցկադիր այսմ կղղոյս, որ հանդէպ մերոյ աստուածապահ ամրոցիս: Եւ յարմարեալ շինեցի զսա բաղում օտախիւք և մեծ փափագանօք, և վասն բնակչացն մխիթարութեան շինեցի տաճար Աստուծոյ և տուն աղօթից՝ զսուրբ եկեղեցիս, որ ի մէջ գեղեցկաշէն ամրոցի բերդիս: Յորում և ի պէտս լուսաւորութեան հոգւոց, որպէս ծառն կենաց ի մէջ դրախտին, և Աւետարանս Կրիստոսի պիտոյ էր այսմ դրախտի եկեղեցւոյ, զոր և ետու դրել ի լուսաւորութիւն հոգւոց ի տաճարս այս աղօթողաց և յիշատակ բայեաց ինձ և իմոցն յապաղայս ժամանակաց և փրկութիւն հոգւոյ-իմոյ 351ա60 ի հան // զերձեալ կիանսն յարգարադատ անեղ ատենին Քրիստոսի և եղևաւարտումն գրութեանսորա ի թուին ԶԽԲ. ի ժամանակի յորում ունէր զաթոռ թագաւորութեան երկրիս հայոց օրինապահ և առաքինասէր և եկեղեցազարդ պարոնն ամենայն հայոց Հեթում որդի Լևոնի բարեպաշտի, որ մխիթարութիւն էր մեղ ի վշտաբեր ժամանակիս սրբասնունդ եղբարք իւրով: Արդ՝ ես Հեթում մեղուցեալ ծառա Քրիստոսի, աղաչեմ և աղերսեմ և պաղատիմ սիրողն Կրիստոսի առ սուրբ եկեղեցիդ յիշել զիս բարեմիտ կամօք և զսիրելի որդեական իմ զանդ-

րանիկն Օշին և զԳոստանդին և զԼեոն և զքոյր սոցա զԼոթիթա և զամուսին իմ զԶապուլուն և ողորմութիւն հայցել ի Քրիստոսէ մեզ և թողութիւն յանցանաց մեզ և ծնողաց մերոց և եղբարց և համայնք զարմից զի և ձեզ ողորմեսցի ամենաառատ պարգևաց տուողն Աստուած, և նմա փառք յամենայն արարածոց իւրոց: